

文

館

詞

林

文館詞林卷第一百六十

詩廿

禮部二 釋奠下

中書李寶善監修國史弘文館主祀國高陽郡開國公臣許敬宗等奉 敕撰

四言

釋奠下

南齊陸璉皇太子釋奠一首

南齊阮彥皇太子釋奠會一首

南齊王僧令皇太子釋奠會一首

南齊袁浮丘皇太子釋奠詩一首

南齊王思遠皇太子釋奠一首

南齊庾杲之皇太子釋奠一首

梁武帝侍齊皇太子釋奠會一首

梁正希範侍齊皇太子釋奠一首

梁任昉侍宴皇太子釋奠一首

梁沈約侍齊皇太子釋奠一首

爲南乙齊郡王侍皇太子釋奠宴一首

梁陸倕釋奠應令一首

梁何胤皇太子釋奠一首

梁蕭洽侍釋奠會一首

梁鮑幾釋奠應詔爲王暕作一首

梁陸雲公釋奠應令一首

隋江總釋奠應令一首

隋王胄在陳釋奠金石會應令一首

四言

釋奠

皇太子釋奠一首

南齊陸璉

側觀遙冊歷選皇年惟靈御極惟睿奉天情機散古文象肆

宣雲鳥躋駕教思蟬聯其太明在運帝功泉塞端飾寶命化

垂人則業敷七政訓弘三德昭圖總軌道清萬國其振領還

風提綱息僞愛孚應遠仁治祥被六幽暢波八埏藻義煙烟

開禎山河囟瑞其祚休長運卜永聯慶於穆儲徽儀震麗正

妙智夙昭神泉獨鏡譽宣詩史道協鏞詠其業崇敬達師嚴

教尊清漳璧水赫奕獸門斌斌林藉秩秩德音合情飾兒導

本歸源其憲章祀典宗聖維靈犧牲釗潔盥奠肅誠樂和初

奏禮備未貞風輝克廣至德維馨

其六

敬周獻畢卽宴庠宮霜

庭秀日邃宇恬風陳儀就位濟濟雍雍澤宮慶普心陶樂融

其七

灼灼宰傳英英藩哲締綵飛聲騰光代翼髦彥連華才奇

映列貂佩陸離巾袞容裔

其八

粹景貞暉雲露延和顯仁性始

藏用生波乘虞入幸沐爰溟河巡崖惡慮扑藻傾歌

其九

皇太子釋奠會一首

南齊阮彥

惟帝御寓惟聖裁莖雲官眇載鳳紀遐傳於皇作后續武乘

天地契斯彰震符迺宣

其十一

五帝繼作三王代新教藹隆周軌

滅荒秦興之用博替之斯堦敬業貽訓務于成均

其十二

蘊寶聿

攄藏信咸澈璧日文曜珠星瀉晰大開泮渚爰構庠藝越岫

重梯憑波累榭

其十三

兼明翌政麗景承霄玉振方辰金聲夙標

德映姬儲芳騰夏朝四輔陶輝三善伊昭其睿機欽典式

昧旦永言念茲舊章載煥習習胥敷濟濟師贊告覺舍弊肅

莫循裸

其五

玉動琬軒鑾迴璧祀適序親薦登堂降齒槐保鏘

儀揆傅觀止物悟大哉神稱至矣

其六

獻禮卒虔分除起寢庭

旅賓筵階陳肆縣笙鏞登越干戚浮絢明聳八音幽馳九變

其七

慶逾居維驩馳在鎬百靈具祗萬紘同造粵以空微預均

風草取濫槐纓無聞輿阜

其八

皇太子釋奠會一首

南齊王僧令

伊昔上德體極凝貞敷文翊典濟美基平三墳爰暢六順斯

明玄風流采邈代飛馨

其九

洪機瀉御禎符景歷續承聖輝盈

圖蘊冊化協無疆皇猷匪隔海裔覃仁沙方浹澤

其二

帝圖遠

泰震儲克融識超玄覽志邁謙冲弘仁博藝禮讓兼崇傾衢

舞愔溢路歌風

其三

詢謀有徵尅晨嘉奠禮光瑤俎樂泛軒縣

饗畢祉流迴神曲

譙慶溢驩情稠恩編

其四

肅令警辰禎徽

曜節慶晷逶迤祥雲炤炳瑤旒煙迴金聲霄撤浹寓懷昌含

生載悅

其五

冲心幽被獎遙無偏栖質瓊伍儷服華筵微萍託

海羈羽浮天方陶姬化永沐姚年

其六

皇太子釋奠詩一首

南齊袁浮丘

三象既區八文斯載靡人誰牧匪后焉載參差王列迴環紀

代數含興毀理彰彪晦

其一

我皇廣運實惟靈德於昭儲嗣微

光萬國會是知微降情敦尅陳經憲古正訛辯惑

其二

嚴嚴崇

殿藹藹重筵韶儀瀟睟遠旨清宣副斥穿口總括凝泉冲識

知歸蒙薄攸遷

其

司業尅終告成奠旅簡習容章筮辰獻舉

肅茲戒禁潔此牲俎搖金蓋鳳自宮徂序

其

有觀惟禮亦既

具來儒巾雲列朝紱星陪式是保訓允兼明台比萼唐衛燁

燁光埃

其

冬緒御朔氣爽煙輝影霞旦卷凝霜晚晞張縣簪

目鏗鏘動幾翻舞屢還絕音忘歸

其

語遠河清記闕辰遲藺

朝遊夕浮年偶時爵賀峻檐蝸鳴曠坻俯蹈盛典仰震庸辭

其

皇太子釋奠詩一首

南齊王思遠

龍圖昇曜龜籍流芳俗資儒從化以學昌蕝蕤四代昭晰三

王揮發性靈財成教方

其

時陂樂淪風凋禮失縫掖不衣章

句豈術蘊金孰砥懷玉焉器養正者睿敷文惟懿

其

帝則昭

天皇圖軼古乃聖乃神重規疊矩霞構兩庠星陳二序橫經
若林負書被寓其國緒克隆儲暉允鏡玉粹蕭芬體元居正
溫文自躬敦悅以性崇道讓齒業大德盛其高殿旣筵遠言
旣宣窮理盡奧闡幾洞立降情肅幣盥聖薦賢下缺
上缺

付規矩迺據石稚言藏金斧方口深雪載調淮雨樂駕中和

詩同下武其巍巍儲后實等生靈克岐克疑夙智早成無論

岳峙豈匹泉瀾桂宮惡譽蘭殿慙聲其鼓宗式訓成均戒典

將弘四術且陳三善周膠聿建虞庠載闡博習方親離經向

辯其碩學如市高生閒出濟濟橫經祁祁負表文參孔囿立

遊老室先易後難功倍師逸其奠采貽誥器幣有章素維旣

弛絕典還光庭陳宿設階列周張禮充羈偶物盛員方其景

屬遵暮惟時栗烈夜露方塗朝流已折鏗鏘萃止肅雍在列

顧省無庸徒然浮竊其九

皇太子釋奠詩一首

梁何胤

靈象既分神皇握樞其降日命有書有圖化彰禮樂教興典

謨五經夤序七緯重敷其保氏述藝樂正奠師良王緣琢務

德由諮雅沿俗化風移運遲道不云遠否終則夷其下武增

輝烝哉體聖三極彝倫九服騰政文以止戈學以流鏡國崇

上庠人思下競其三昭昭儲后哲秀克明徽若稽古體睿由情

往行內潔前言外清紆光隆業讓齒膠庭其四敷典折文悅書

敦史六詩開滯三易機理光耀程輝華飜麗起尊聖明賢釋

茲敬祀

其五

儀形初盥容祇薦陳臯清饗俎實芳禋登歌奏

闕有司告神以介景福慶無不臻

其六

祝史贊撤斂圭軒譙笙

鋪列階展聲宿縣儻節金石歌依越練交袖折羽流籥清殿

其七

儻儀接贊相詔初筵峩峩台弁灼灼藩蟬時英整笏胄子

端篇大觀在上於斯盛焉

其八

雲行雨施品物甄流敷榮散春

蘭芬曜秋道洽雖均蒙固難周進垂智効退慙山工

其九

侍釋奠會一首

梁蕭洽

儒惟性府道實人靈乃宣地義載景天經合宮傳藹衢室流

馨人區允睦王路惟寧

其十一

鳥弈代終氤氲革禪我后天臨庶

眎利見煥哉隆平穆矣於變德漏八埏聲鏘九縣

其十二

春方貳

極含神測幾敬恭馳道祇承獸闡列辟載粲羣司有暉菴藹

槐路透迤袞衣

其

三教思無方循訓有則告奠先師式祀盛德

其禮載閑其儀不忒幽顯聿宣人祇允塞

其

四冬物澄華寒暄

髣髴雲浮鍾虞風生舞綴盡性餐和含靈飲悅仰沐弘滄俯

慙馨劣

其

釋奠應詔爲王暉作一首

梁鮑幾

伊昔列聖表訓成均德隆詔徹義重師臣禮有損益道有相

因蟬聯遐代菴曖遺塵

其

三代異教五運殊時則天啟聖紐

地開基揖讓丕顯熙載疇咨綜核名實文德來思

其

二水積涓

流山資累蠲禮實立身學乃成器師師闕里濟濟洙泗西珎

獻珍南輦程贄

其

三於鑠上嗣夙昭懋則正位則離邁心泉塞

獸門讓齒龍樓觀德□□□□是資監國

其

四尊師薦德明祀

告虔幕人掌握司川奉筵堂灌玉瓚庭奏朱紘義高夏策禮

盛姬篇

其五

大饗既周德馨惟楸殊方知禮聲教日富陸離簪

笏徘徊舞袖楚楚儒衣莘莘國胄

其六

曲成罔隔容光無已合

符出守通籍入仕空列周行恩非望始徒懷十駕終謝千里

其七

釋奠詩應令一首

梁陸雲公

質文迭運損益相因業遵憲氣道著成均南學尙齒東序貴

仁三德既備七教斯陳

其微言中

絕異端競起掃滅秦餘緝

維漢始開塗頗照勢絲未理擾擾百家悠悠千祀

其二

大梁肇

命睿哲惟君萬方輯瑞入表澄氛仰測天象俯奩人文弘教

猶海聚學如雲

其三

道生萬有孝首百行孔勛潭深老抑浮競

分門命學異流爭鏡誰其一之資我將聖其家隆重棟國體

載天元良正位至德聿軍優悠藝術博極幾玄丕隆夏載旦

暮姬年其揚我聖作導我人志盛彼庠門於惟上嗣三席式

啟百僚胥位誦聲編道儒衣成肆其眸容玉潤麗辯泉飛英

蕃起予執經光暉肩牆觀奧入室探啟博哉善誘嗟然實歸

七其請業既終奠祀爰設北牖配靈左階升潔蘋藻登薦巾冕

成迺黍稷非馨誠敬斯悅其藹藹幕宮泱泱殿沼旗章映春

絲竹清曉獻琛海外蒙衣塞表具惟譙嘉同慶億兆其至道

輝被英風洋溢式標盛軌方□懋實職濫悼史誦乖洪筆使

仰歌頌終慙照述其

釋奠詩應令一首

隋江總

敬遜三德厥修六藝師聖發矇尊儒啟滯若括資羽如金待

礪雅道聿興教學無替

其

希代明王應期聖主裁成品物奄

有區宇篤籍芬場詩書照府籠樊七十驅馭三五

其

於赫上

嗣毓德元良崇賢既闢馳道飛芳儀刑震象問望離方夏歌

秋籥日就月將

其

肆禮虞庠弘風闕里降心下問勞謙讓齒

五方聳聽百辟傾耳濟濟耆生莘莘胄子

其

聞歌有節合舞

惟恭階陳罇篚庭列笙鏞譽宣四學業闡三雍森沈靈宇依

帟神蹤

其

奠餘幣久辰良景暮黍稷非馨蘋蘩式祚崇敬台

保昭彰審論翠蓋移陰斑輪徐渡

其

年灰迭起星瑤環周春

彫樹色日藻川流雪花遲舞雲葉雙抽霧閣金竭冰銷石溝

其

肅仰鴻化恭聞盛典人握懸黎家藏瑚璉顧惟朽謝暮識

膚淺恩謬爵浮心慙見快

其八

在陳釋奠金石會應令一首

隋王冑

元氣氤氲立風緬邈垂衣鑽燧修文反朴異代殊時襲禮沿
樂損益雖著罔弗于學體斯將聖實表宗師三千仰德五百
應期除丌黜素定禮刪詩作訓垂範斯文在茲有梁不造羣
胡蹈軼聖教淪胥微言殄瘁大陳光啟搜揚遺逸儒雅成林
詩書閒出我皇纂歷負展握圖文同四表教漸八區韜戈偃
革抑末崇儒矩步接武縫掖相趨元良繼體作睿惟則明迺
離照澤符震德審諭寧陳珪璋靡武聿修三善以貞萬國展
茲鸞駕敬業獸門尙仁降禮齒胄紆尊式陳俎豆贊薦蘋蘩
龔簋成列絲竹相誼奠饗斯治克諧嘉宴酒溢金罍肴分玉

饌肅肅冠冕說說巾卷咸資赫德是稱俊選時惟歲聿律變
灰遷鴻門寒重壁水冰堅風移瑞氣日藁非煙空知慶躍何
答陶甄

文館詞林卷第三百四十六 頌十六

禮部五
巡幸

中書令李寶客監修國史弘文館學士上柱國高陽郡開國公臣許敬宗等奉 敕撰

巡幸

毛詩周頌時邁一章

後漢崔駰東巡頌一首 并序

南巡頌一首 并序

西巡頌一首 并序

北巡頌一首 并序

後漢馬融東巡頌一首 并序

後漢劉珍東巡頌一首

後魏高允南巡頌一首

宋孝武帝巡幸舊宮頌一首

巡幸

毛詩周頌時邁一章

時邁巡狩告祭柴望也

時邁其邦昊天其子之實右序有周薄言震之莫不震疊懷柔百神及河喬嶽允王維后明昭有周式序在位載戢干戈載櫜弓矢我求懿德肆於時夏允王保之

東巡頌一首

後漢崔駰

伊漢中興三葉於皇惟烈允由厥倫繼三命胤洪勳矩坤度以範物規乾則以陶鈞兼陰陽而制化含六宗以嘔烝挈騰籍之休符兼十一之嘉徵軌仁德於太和師茲代而並興上

納鑿於羲農中結軌於黃虞超聖武之遠猷遵烈祖之高衢
資統天之碩慮意乃溢乎中區於是考上帝以質中總列宿
於北辰開太微之禁庭延儒林以咨詢徵岱岳之故事稽列
聖之遺塵于時司典耆耄載華抱實儼爾而造曰盛乎大漢
旣重雍而襲熙累增其德允優裕而兼該天人之敘已光唯
斯岳禮久而不脩此神人之所庶幸海內之所懷思頌有山
喬之征典有徂岳之巡時邁其邦人斯是勤不亦宜哉遂璇
璣衡定歷文指拏鳥以爲正兮甄玄扈以司分敕勾芒使靖
方兮詔重黎以奉春乃命太僕訓六駟閑路馬載師徒於是
乘輿登天靈之威路駕太一之象車升九龍之華旗立河鼓
之靈輿蜚翠規冒紫霄揚玉鸞棲招搖貳承華之鈞駟駟尤

駿之馭駢垂旒象之豹飾餌飛電之旌旄紛紜發越千乘膠
葛旌首奮鬣武士揚鶡三軍霆激羽騎火烈天動雷震隱隱
轉麟景耀雲覆黷黷如神清氣霧野光焰絳天躔中霄而展
節兮順斗柄之所運躬東作之上務兮始八政於南行衍黃
夷以燭幽兮攄大觀以省方哀胡耆之元老兮賞孝行之峻
農路瀆漫以紆屈兮望岱岳之密密神曖曖而郊迎兮騁雲
霓而來驚風翼翼而清路兮澤湛湛而霑濡紛繹繹而高集
兮遂卽齊於山虞於是執玉之君咸來助祭周觀岱瀆抱禮
受制遂案唐儀恢舊蹤宣重光章二祖柴皇穹於望秋兮揖
百靈於天宗休明德之馥芬兮神馳藹而來降假太廟而宗
祀兮依顯祖之從容厭帝心而媚神兮歆庶績之穆雍爾乃

上下鄰紵神人交欣霑皇澤懷聖歡獻靈祐贈帝軒人溫潤
以清熙兮日皓皓而光晏瑞穰穰而仍發兮效德輝而薦臻
鳳先御而儲祉兮鸞既翔而贊珍琤丹穴之肥壤兮耀華采
之繽紛同帝擊之貞實兮雙虞舜之來儀配高崗之爰止兮
娟陶唐之所棲昔有熊之上路兮聽風聲而協律吁羣代而
罕邁兮興有聖而特出上謙謙而祇聳兮謚玄靜以自存茲
業業而弗康兮懼事事之孔艱步周流以容與兮覽崢嶸之
峻岼制軒轅而立崇兮發膚寸而播恩況聖主之鴻德兮綏
萬邦而屢豐年憲象豫以崇惠兮應茂化以恢仁解天生以
錯辟兮洗宇宙而自新於是時也風雲之所馳騁日月之所
容光喻和氣之所滋嘉土宇之旼章高山嵩岳允懷和柔擬方

表外慕德而嬉獻頌聲薦嘉詩踰崑山侔釣臺超景毫
軌周岐搜歷往昔之七十二彼曾何足與爭流行低側以經
略兮瞰滄海而旋車登少皞之曲阜兮穆相佯以延佇詠鄒
魯之遺風兮思盛禮於尼父過太皞於有齊兮軾高陽於衛
墟祀帝堯於靈臺兮瞰禹迹於唐土俯三王之瑣瑣兮仰五
帝之寥寥睨垓下之制勝兮經漢元於定陶於祖宗之遺績
兮庶乾乾而靡怠勤殷宗之久勞兮念周人之辛斲顧成陽
之匪徨兮思周文之不懈罄天旋而靡窮兮嗟水流而不舍
邁種德於黎元兮品萬區而長庶國家欣而開承兮樂我君
之遊豫玄摛合於天載兮賦政當於唐書德音溢於雅頌兮
風聲揚於九韶降漫漫之永獻兮揚大咸之冥冥翔虞氏於

南風兮抗雲門之淑清然猶未足恢其場也方將布於皓皓
施乎翔翔越帝圻入皇汪撩八極而維天綱反天元於太素
兮復赫胥之敦頤樸人情於無爲兮慚蒸庶於醇醲康帝德
於罔極兮踔億載而垂功蹤唐路兮柴泰岳揖百靈兮經萬
國烝鴻煙兮洞杳冥山氣升兮捷玄庭宇清靖兮日晏貞欽
皇和兮揚天光珍應答兮靈鳥翔鸞從鸞兮逆鳳皇風送迎
兮雨先後破榮暢兮嘉澤澍黃動輒兮靈祉發玄聖謀兮應
先達雙鳳翔兮熙岳陽奮華文兮耀玄黃彼岱岳之靈場順
帝瑞兮效休祥祥旣臻兮寧百福要帝命兮豐天德綏庶邦
兮延萬億紆末途兮貫野王登天柱兮涉太行臨高都兮眺
長子瞰八荒兮目萬里迴六龍兮橫大河曜文鵠兮厲素波

揚景祉兮被蒸黎總休瑞兮懷北歸

南巡頌一首

并序

後漢崔駰

建初九年秋穀始登改歷元和贖逋罪省獄刑將變羣品之
敘醞萬化之原陶二氣之調育人神之歡于斯嘉時舉先王
之大禮假于章陵遂南巡楚略江川以望衡山顧九疑歎虞
舜之風是時庶績咸熙罔可黜陟乃追錄古人之嘉喪貶示
好惡焉迴軫夏墟歎儉德之流濟人於忠也愚人作頌以贊
主德其辭曰

惟林蒸之鴻德兮允天覆而無遺班雲行之博惠兮淑雨施
於庶黎建皇極以制中兮協乾元之大和體陶唐之晏晏兮
革歷載而承嘉思保人於赤子兮悼獄犴之有逋屢寬刑以

寗戾兮振圉圉而恤辜陶萬國以至孝兮躬有虞之蒸蒸右
文王之享岐兮左粉榆之舊里伊牽牛在仲秋兮白珪斯殒感
霜露之悽愴兮懷聖靈乎祖始於是歷吉日踐壇場軍升翼
策駟房揚大火之龍旂兮懸參伐之狐旌登岳陽以舒節兮
觀萬垂於天庭翔翔習習雲散雨集紆繁汝穎登陟陵陸遂
臻章園修吉圭之嘉享兮班神序於靈祐庶寶蓂以位賓兮
羣后儼而來虔明德馨以芬鬯兮皇祖欣以舞歡隕鴻祉於
帝室兮降穰穰於顯期人喻義而悅德兮樂我君之來嬉旣
乃周望郊野逍遙舊家原隔彌平白水丹波奕奕池沼寢液
圃埕可謂樂土者已昔周人踰岐而漆沮作頌漢濟江沔胥
度此邦同基王迹爰卽大中日斯匪人亦有天功豈不皇哉

然後衍皇心於四荒抗帝咨於稽古步皇路於天衢兮播光
燄於南浦揚江表之茫茫兮眊海峒於姜野瞰鄢郢之舊居
兮察黎苗之所處蓋鬻子之師周兮肇於是乎開寓善能繹
之修度兮美蚡冒之藍縷楚風勁而剛銳兮負國險而強禦
宗周忽其不競兮厥先叛而自怙依江漢之勢阻兮據方城
而跋扈廢王室之貢納兮作檀威而伐剋滅文武之舊封兮
翦漢陽之列國稍啟同以廣畿兮侵王路而自興距大邦而
爲讎兮宜六師之所膺賢莊公之匡救兮放褒運乎少康嘉
叔時於申息兮懿孫敖於期思穢平王之荒惑兮嗟讒賊之
譖口卑無極於北方兮寢奮揚於城父表諸梁於宛葉兮顯
伍舉於章臺惡啟疆之作亂兮是尹革之斬之好子囊之忠

國兮顧社稷而垂辭閔屈平之赴羅兮痛靈修之被欺悲政
失而國從兮郢路蕪而爲丘授子囿於乾溪兮沈商臣於江
流川祇懼服漢女不游臨大江而永望兮沂岷山之洪流瞰
九疑與會稽兮詠虞夏之遺基想伯舅於山陰兮歎烈祖於
長沙轍車迹於堯軌兮躡聖武之所過觀雲夢之弘藪兮眡
三江之所經巫山崕其尋天兮暨有姚之湘靈浮凶虐於彭
蠡兮放有苗於洞庭遠南巢之邪慝兮疾殷武之攸征溷驩
兜於崇山兮軾箕公於陽城錡鬻饗饗於四裔兮中夏康而謐
情采大禹之儉德兮察忠孝之遺人惟上聖之綏俗兮慕敦
樸之可遵風率爾而高邁兮雲鬱隆而超升仰天路之戔戔
兮若浮海之望嶠邈高周之蔑如兮夫何足與神區而並道

陟羲農之遐路兮逾五帝之嶢嶢冒宇宙而猶侈兮函八區
而尙遼懷三梓而不盛兮提四夷之若羽式典謨以經國兮
弘俊乂以爲輔配咸池之穆穆兮侔夔氏之於予運八極於
諸掌兮誰道重而不可舉

西巡頌一首

并序

後漢崔駰

惟元和三年八月己丑行幸河東志曰君舉必書是故工歌
其詩史歷春秋若夫聲管不發雅頌罔記則令王之流孰施
乎茲聖主之德窮神悉幽風遊於上草偃之人覬康於下百
姓穰熙農老務疇劬乘謳詠以納乎木鐸之所求迺作頌曰
惟秋穀旣登上將省斂平秩西成巡畿甸於西郊因斯萬物
凝德綏俗溫溫者天矣邈越不可睹於是乃統大靈之元凌

兮鉉辰極之帶劔尋天緒之無億兮蹈高行之逸軌皆旣春
遊今迺秋豫終始二端順時勸助消息盈冲出入神明紛綸
炫耀煥乎煌煌茲乃受天降衷政在總章嘉種始入百靈用
嘗蓐神執炬尹司少陰綢繆庶卉納火吐參帝曰敬哉于人
之務苟西谷之方收兮約與服以輕舉於是撰元日以命旅
兮召司歷以甄時金聲響於華庭兮奏肆夏以乘車飛羽駕
之與翼兮騁駟皓以乘鑣奮雲霓之幽藹兮揚景電之先驅
班武夫於校隊兮司屬車以羣儒播膏雨以汎路兮攜玉燭
以照衢是以登三塗之二嶠兮出九河之重股遵號路以超
河兮陟大陽而顧華迎有咤之蘭風兮欣唐氏之攸舊旦功
旋以報福兮秋方望而用事虔后土之兆時兮發潛祇之蓄

賁聲德烈以芬暢兮固神人之所和慕西神於正咸兮覽金
天之茂績律量衡以平物兮率鉤錙於疆場命奎襲使聚品
兮俾坤鑪以致役散閭閻以解節兮分陰陽以順逆既乃美
往昔之遺基兮穆相佯以疇留因冀州之博大兮登太嶽以
高遊瞰黃帝於橋山兮臨顓頊於昆吾咨二文於汾唐兮統
歷下之孤疇貶采薇之耿節兮閔子推於介丘汨倏忽以容
與兮覩低側乎此土仰寶沈於井里兮俯晉代之分野休前
哲之弘功兮望龍門而歎冀依九土之洪迪兮碣海口而長
吁嗟來歸夫是區區兮曾何足顧瞻四荒之寥闊兮嘖增思
以維古昧結轡於三代兮驚仁義以追五卓渾沌於皇門兮
攝季于於東戶挾太昊而捫天兮乃歸靈乎上祖俟太極之

無原兮吸沆瀣之遺光貫九垓而斯高兮扃八衝以爲房區
天地而北渡兮大汪濊而不可量

北巡頌一首

并序

後漢崔駰

元和三年正月上既畢郊祀之事乃東巡狩出河內經青兗
之郊迴輿冀州遂禮北岳聖澤流浹黎元被德眾瑞並集迺
作頌曰

尋軒轅之永胤兮率天常之長基疇三條而並存兮琴四海
以爲期應乾綱之否泰兮蘊上哲之玄謀於是乎旣稔昔歲
越暨茲年煙燎嘉品登中於天禋潔享祈歆嘗百神爰始賦
政授務於人乃登靈觀察雲物律時月歷元日命農正度禺
鉞崇昊天之德號捫泰機以指節帝勤神農將省陽穀相天

功巡東作於是祖蒼帝於春官兮內大路於靈場羽旗紛其
從雲兮六龍超乎上驤旌飾續翻旒旒蔽蕤儒林擢笏介者
揚徽翠華朱紱紅葩素電萬眾重隊千乘案列武校義我營
陣四結砢麟鞬韞蔓衍流漫音雒炎鳥震山蕩澗蔚兮如山
澹兮如海雲合霆祛天行地止烈烈征師冠蓋千里淫淫翼
翼順流舒抑步嶢嶢之峻阜兮下長坻之修路出九關之要
阻兮橫汜津而徑度仰雲漢之皞章兮俯崑崙之洪泉祀五
皓之未迹兮登大梁而上還揚流光而遐舉兮俛四岳乎唐
昆深隱隩以垂表兮規景祚而豫存固哉天命允不可鑠焉
濟河州之皋渚兮稅農郊於懷鄙率百甸而躬藉兮望天地
而據耜斂神倉之明粢兮播兆庶之福祉旣乃周流觀風以

覽舊章嗟成湯而美伊君兮顧武丁與盤庚憫三仁於朝歌
軾商容於大行悲麥茂之怵悞兮好殷頌之雍容涉淇衛而
而容與兮歷高陽之遺蹤載故魏之區阜兮貫兗野之分州
運少陽以佈化兮順太昊而優遊吸惠氣之精粹兮熙慶雲
而泛浮路冉冉而彌章兮瞻青土之茫茫無隄激而上下兮
臨河曲於高唐詠顯宗之烈績兮晞東壤之汙汜拯瘠人於
隆平兮爰羌鹵而作旨乃斑膏衍而振餉兮徹藉斂以佐農
澤泐溢而旁浹兮珍獸迺而來降考牧人之休夢兮揆見龍
之禎祥歲溫潤而含惠兮宣豐年之穰穰遂造呼池而迴冀
域兮禮恆岳而紆衡陽暑麟瑞之懿徵兮同文武之誕慶旋
與鮮虞迄彼東牆欣元氏之育聖兮肅高邑之登皇尙二后

之神宇兮飾珪瓚而虞虔享隆孝思之聖憤兮采雅頌而著
章甘液應而靈集兮素翬儀於南裳于時道溢天泉德罔不
懷摛陰則魚躍揖陽卽鳳儀雖雍容清廟謐爾無爲垂拱穆
穆神行化馳稍存靈於有宓之屯展炎農之阻飢帝堯之壽
咨大禹之胼胝故匪居匪遑勗乎庶黎均遐邇照幽微揚淹
滯收特遺敦文教薄威獄放虛華收實确路不窮軌樂不盡
歡行無留連田弗遊盤祈神明而求鄰兮惟所與乎配靈仁
並春天德與夏并區烝六合宇內華榮蹈八代而上格撫皇
氏之高庭奮帝猷以臨下綏仲夏之平平嘉茲代之親睹兮
夫何貴在昔而與聽載歌曰皇皇太上湛恩篤兮庶見我王
咸思覲兮仁愛紛紜德優渥兮滂霈羣生澤淋漉兮惠我無

疆承天祉兮流行乃昆長無已兮乘吉日行出遊修元化辯
農疇咨上靈與神謀天心得帝舉時華蓋紛六龍巖撫雲霓
濟東域揚惠政布稼穡茂蒸庶延萬億橫二泉渡汜津沈宣
玉醺河神符龜龍逐鯨鱗靈鼓鏗羽旗紛珥飛廉抑陽侯勒
六師邁乘輿俯龜文仰靈符播景福溢天區迎朝陽覲遊龍
順昊氣師農功耕籍田農之郊達萌孽暢黎苗壘膏壤發良
耜頃中區町四海千夫歎百皇道施仁惠牧神寶登豐年永
壽考

東巡頌一首

并序

後漢馬融

延光三年車駕巡狩岱宗郡或上鳳皇集詔書頗有不納之
意融本以贊述爲官遂上東巡頌言雖有瑞應上猶疑而不

然以將順其美其辭曰

曰皇時漢丕顯祖茲允迪在昔紹烈陶唐殷天衷充搖光若
時則運瓊衡敷六典經八成變和萬殊總領神明肆類乎上
帝實柴乎三辰禋祀乎六宗祇燎乎羣神旣月乃日然後言
訊故老考乙疇咨浚陶廢緒第厥荒儀演道蓄貺汨越幽祇
嶷神未答禮云斯宜遂發號羣司申戒百工師徒以簡區宇
攸同昌言稱吉蓍龜襲從南正底日馮相吉祥於是方皇容
與索晷胥明剖符太乙緒信坤靈鼙鼓震駭猛虞雷鳴爾乃
御夫雲黃之玉輅兮貳璠象之時輿飛參旗之影馳兮佩日
月而載招搖建臙瓜之齊斧兮舞河鼓之靈輶開華門而出
祖兮歷兩戒之天衢播凍雨於經塗兮軼颺風使先驅於是

羽騎操戈蓬首揚罕雷輜驚蟄貍旅厭難萬神保微五靈啟
殿魍魎滅沒夔蜎迸竄噎霽霍繹雰霧罷散清夷道而後行
兮曜四國而揚光展聖義於巡狩兮喜圻略而詠八荒指崇
嶽以爲期兮固佑神之所望六蒼龍之夭矯兮螭驕騃蟠倨
以蛭印盤桓揆越乍騰肆兮整銜慮轡超以噴沫兮驤馳鬱
菌宛足未發兮凌轡傲以宿爽曳電華而并節兮神上吸飛
泉之慘液兮實下氣以練精迎青春於太暉兮汧谷風之穆
清秩東作而脈吐兮宣陽閭之憤盈景寅照動軻兮約車服
而東行示節儉於華夏兮發德音之懇誠勸三農於上時兮
迎嘉祥於駟房凌檀檀而犯軾兮雲霓霓而騰將灑靈雨之
豐沛兮澤優渥以溥詳邁種德於九圻兮覽原隰之茫茫歷

太祖之所歎兮顧成皋與滎陽超濟洛徑河潁兮善史伯之
有方求失禮於宋魯兮想孔尼乎鄉鄉增修德之事事兮襲
令善之福祥是時征夫莘莘振鷺之羣多士緯文幣玉之羣
大事未按固已囊括社祿頡頏祉福屢申千億踴躍罔極矣遙望
夫高嶽之體勢兮對處乎中原鎮八維而正高兮極地增而
作冠直嶢嶢而上竦兮珣紫霄而造乾鍾元吉之碩釐兮俟
聖主而交歡散齊既畢越翌良辰棫櫟增構烈火燔然暉光
四煬炎爛薄天簫香肆升青煙冒雲珪璋峩峩犧牲潔純鬱
鬯鳥彝明水玄尊空桑孤竹咸池雲門六八遞變神祇並存
播普澤施汎恩委介祉贊鴻勳犧靈鳥乘鳳臻上猶勞謙貳
而弗喻也乃尙軋軋自新日昃不忘恢誕宗緒封崇本基禮

既功成結軌迴衡橫大河而旋逝兮欣冀土之夷平瞰高邑
之靈兆兮懷光武之攸正揖顓頊於帝丘兮羨殷宗之所營
昔昆吾之虧節兮勤豕韋與大彭過牧野而歎武兮穢宣室
之隕傾行游目於淇衛兮觀竹箭之叢生臨長池而游暘兮
樂春水之布榮嘉茲園之永久兮罕淹留以步經於是師聿
惟旅侯衛常任選夫稷契龍夔伊尹仲虺祖己方迴閔天散
宜相與升乎朝陽之堂坐乎清明之廟諷乎高光之廊議乎
路寢之朝考羲黃之墳典案代鼎之徵效驗瓌異之璋寶窮
祥應之物敷追蹤二皇踵跡五帝蹈騰三王婆娑乎八素之
域然後援絕端挈神符顯遊麟藪駕雛鉤河圖巢洛書網黃
龍樹嘉苗猶未足以抗其維而枕其紉也方將呼吸精□含

吐陰陽南魄眾宜牢地兮延億載之無疆篤生物於純龐兮
夫孰區萌而不皆臧亂曰崇嶽磴磴崎嶇偃倚際天連兮
藹密穆靈場神域里真僊兮允迪稽古享覲東后隲其中兮
天威斐忱繹必信兮氤氲皇和發陽春兮貺福穰穰昊聖神
兮開國承家基元勳兮永啟厥後道茲年兮昌熾光大流齊
昆兮將紹遠古纂二武兮滿期盈尋隆前緒兮享祚億載考
靈寶兮千封萬禪談皇道兮

東巡頌一首

後漢劉珍

太和交薄天地烟煴聖主之化允鑠兆人之俗彌純然猶四
岳嫌於被皇澤之未均仰光典於稽古將省方以時巡於是
乃命開卜卜正考祥龍集甲子歲在延光三壘襲吉終然允

臧乃屬六駟命申車飾玉路建旗纛靈與幽藹蒼虬瞿瞿凌
造舟於玄扈陟延年之仙廬觀險守於武牢路寥豁以紆餘
集清宮於濟陽舍皇考之靈館敬光武之育房疇天命之攸
贊息秣城而安寢恃翁叔之作扞謂三牕之蓄寶討師婚於
東緡過仲山之樊都美周宣之德惠晞曲阜而中想觀多禮
之彬彬息謁里之舊堂嚶若覩乎其人既臻岱宗精享禋柴
望秩山川類於上帝遂祀祖宗告虔展義肆覲東后同律頒
瑞壹度齊俗兼相人僞海外有截沐氣和而市幽荒絕域澤罔
不洽克厭天心神望允答是以乘輿發而甘雨震居山虞而
鳳皇集於是禮成事畢改轍反旆浮龍杭於東河徑長壽濟
萬歲視昆吾與康叔淹棲遲於三衛矜初陽之屯戍犒介士

而後邁經北國於淇澳望殷墟而馳戒背武丁之精夢得傳
說之板裁削骨靡之丹圖授說命而委緯位百年而通神燿
高宗於前代紂逸遊於驂絳伯邑醢於麤鬻需谿神而錫封
王子忠而剖心暴虐宣於萬邦會爭盟而爲禽守天網之不
失固福忠而禍淫於是歷選臧否按節徐迴仰夏后之肆勤
指底績於覃懷望平皋而枉駕行遊目乎河隈亂雲漠於孟
津御文鷁以橫厲河靈警而承舳馮夷儼其操軼日晏清以
舒光靡風雲之塵瞥濟南浹而逍遙饗行夫以聊憩爰初出
征以暨遊息監牧夫於人心省幽明以黜陟迴遊豫以觀人
邁種德乎邦域五品既訓九德咸至爰自僖宗以勳受釐啟
天以貴掩地以富壽考無疆申錫昌志

南巡頌一首

井序

後魏高允

維和平二年春二月辛卯皇帝巡狩觀于方岳靈運之所鍾也克致太平四海清一興禮樂以和百姓宣風化以協萬邦率土之人莫不思仰皇恩想望臨幸者也尔乃追有虞五載之文踵先朝省方之義整大謁備萬乘以因時而後舉清道而後行皇太子撫軍二宮之官率職而從歷中山次於鄴都三月某日東幸冀州經始行宮於衡水之濱因其野廣平之勢率其土子來之人同心響應不日而就遂御春服登觀臺眺川流之潔玩品物之新樂天氣之和悅人徒之盛從容周覽攸然條暢於是羣后四朝岳牧來會宗人致慶殊方畢集乃設大饗以勞百官逮于遐賓至于幽隱汎羽爵於清流置鮮

肴於槃俎奏宮懸金石之樂作六代雲門之舞端長埶以馳
逸足畫平砥以騁龍驥建飛鳥於上列素的於下武藝之士
蹤弓矢以肆其能文藻之流歌永言以陳其志擊雷鼓以響
其音縱倡人以唱其獲然後班之以厚賞錫之以筐篚所以
顯其功而將其意信歡娛之至極希代而一有與盛禮者欣
於遭遇備視聽者洽於耳目其被服仁風沐浴靈澤者不可
稱載夫帝王之興其義不同或以干戈或存揖讓我后以聖
哲欽明君臨四海播文教以懷遠照彰武功以威不庭是以
遐荒慕義宇內歸心執玉奉珍貢其方物於門庭者繼軌而
至比之先代於斯爲盛乃望秩山川徧饗羣神協時月正日
同律度量衡黜陟幽明以熙庶績禮成事畢旋軫而還所過

郡國皆親對高年存問孤寡除不急之務減田租之半人年八十以上復其一人耆老受優隆之惠孝子蒙侍養之恩兆庶欣欣無不稱美鼓舞者溢於街巷謳歌者盈於道路雖春陽之映無以況其仁雲雨之施不足齊其澤故能登三比五以道拯濟者矣昔帝舜之狩光於前典漢章之巡列於後頌況今至義踰於往前殊恩洽於無外而可已乎王公卿士咸以爲宜彰盛美勒之金石遂銘功贊德於行宮之左當四達之衢播清風於不朽垂高略於無窮其辭曰

天鑒有道降命在魏曰登紫宸應圖正位我后承基陶甄萬類振以宏綱御以長轡因時而舉省方巡狩拯老存孤升賢表秀仁化風翔高蔭雲覆功濟蒼生德光宇宙顧命百寮率

茲舊典講武宣文載遊載踐弧矢並縱德音競愼岌岌胄夫
誥誥冠冕贊道隆時以光以顯靈澤滂施威聲遠濟教有維
新政無留滯蠲此煩苛除彼關稅率土歸心殊方仰惠敢述
皇風永播來裔

巡幸舊宮頌一首

宋孝武帝

摘辭省德調律聞風君光闕映帝聲代融咨我宋命邈往居

中曾徽積史至鄴傳工

其一

朋爲運重歷爲道屬思文叡主含

玄馭籙憑心繞靈儀元製俗物由和臻神寶瑞告

其二

弘洽夷

夏感貫雲泉珍產擢地寶耀垂天職祭逾遠荒貢淩艱南閩

請升朔狄辭旃

其三

順時有思履露有情饗備宗祧虔曠先塋

惟皇敬眷永慕徐京列裝青野動軻丹庭

其四

儀辰效駕相時

御服蠲餘縈流龍鑣被陸羽毳蓋日金鼉震谷趣路徐清仁

行遠肅

其五

榮和首律景澤開年林垌發色川郊冽泉松沂遙

衍陟降迴懸踐域負水卽宮臨山

其六

國鄙殷華口氣泉鏡物

爲邦暉士作人慶岱雲東陳淮瀾南映邑祚皇符里有勳命

其七

思申陵寢歡結粉都眇懷沛濟勤念宛吾納壽遺老設飲

先居堂序朝秀庭集皇閭

其八

環宮合張元階接縣肴以禮羞

觴以樂薦溫晷昭精暄焱肅扇天融其清人諧其宴

其九

敬畢

情殫沖心迺念騰軒巖界遊鑿海路連江激風列岳卷霧盡

目區厖窮瞻限固

其十

慶隆鄉部宥浹華裔巡邦簡教卹孤訪

滯隨駕揮金緣鱸振幣澤優渙施調緩農稅

其十一

功深問博

道畜事昌玄應有洽幽符自光靈贊卜遠萌歌祚長非德勿

洞非神孰彰

其十

生叨國慶爵僞效浮申行輟戒陪禮承遊

陶身芳藹洗識明流敢同史頌結詠後舟

其十三

文館詞林卷第三百四十六終

校書殿寫弘仁十四年歲

次癸卯二月爲泠然院書

文館詞林卷第三百四十七

中書令太子賓客監修國史弘文館學士桂國高陽郡開國公臣許敬宗等奉 勅撰

東晉曹毗伐蜀頌一首

後魏高允北伐頌一首

上
問

杭紫津濟小波歷高闕出雞鹿時天街絕地垠掩薄比題口
彼姑溷騁六師於長莽縱四技於中原卒釐王庭夷部落刈
尸逐頓鬲犢刊句林剝瘞鹿殄無遺育殲類滅族裘毳之倫
肉噍之黨莫不沮膽交臂虜屬乃俘其王侯羣孥略其牛羊
鹵獲降之溢皋數升之覆山阜蒸氣生雲霓塵埃冒千里鼓

鐸震西鄰詬譟盪北海自三五攸降征討之師未之有也南
仲吉甫猶翼也翱翔不過宸宇遠徂朔方近歸自鄙而詩人
歎美猶載乎經雅一切收功無優容之風餘糧闕壑餓殍弗
矜孰我將軍懿略參無外拓跡汎海表愷悌函甘棠神武凌
尙甫云爾哉其施仁樹惠也班賈賂散珍餽流甘膳同殲服
恤劬勞愍疾勤撫其士與之乎消息豈徒欹嶇隅隙之間
苟自逸如此而已乎故能夫得其死人忘其勞懦者生剛散
士爭驍銳氣先鋒臨敵競號鬼趙雷薄倏忽神擊猶中虛發
舍矢必鵠於是嚴敵已盡士宛餘怒甲無解札之遺矢無亡
鏃之耗然後窮覽遐冥廓天外掃地清野寇無餘裔勞不
過一時而垂祚數百歲斯非上智立鑒獨見之絕跡歟旣乃

周流□□逍遙鄧林捫天樞以瞰不周勒功燕然飲馬安侯
邈瀚海卑居肯而後旋師長驅振旅凱謦馬府獻功載勲祖
廟飲御加饗策勞受祚申九錫授五瑞賞戎捷浹士隸人事
允得克當靈和其舉時其功尤故能降天祥發地祉神人致
祐永無已

重曰跨朔土而遐征兮討不庭之猾虜飛鋒旗以先驅兮握
武技以戒野炎興赫而剛標驍騎忽以颯掃烏號倏其機發
兮白羽爚而霆曜鋒矢濛而南集兮鉦鼓鏗以雷擊三軍奔
以縱節兮羣虜□而丹地王庭滅兮邑落虛羸弱獲兮酋乞
誅匈奴殄兮清北區命元帥兮胙太師班王賦兮建天威假
禩廟兮考守龜祀金庫兮祈蚩尤樹銘鼓兮曠威弧焚獫狁

兮爰方徂建元戎兮錫命服朱紱赫兮路輿臧衮兕豹兮羈
立較參經黃兮總駮駮采物爛兮文章皞韃彫戈兮韞重弓
雙麾桀兮旌旄幢

應上略兮禋立圖稽靈繹兮應神符虔鉞旗兮飾戎輿飛四
介兮揚鸞鑣班威神兮勒武夫奮貔貅旅兮滌朔區

超天關兮橫漢津竭西嶽兮徂北垠踰句注兮厲樓煩濟雲
中兮息九原度紫彊兮翔朔區越沙漠兮臻海閭

人事協兮皇恩得金精揚兮水靈伏順天機兮把刑德戈所
指兮罔不剋夷甲首兮匈奴服斬溫禺兮剋尸逐殄天賊兮
盪北極得干戈兮討三國眞庶事兮□不服視忠孝兮播德
音假皇天兮簡帝心爰比題兮獲鼎寶惟仲山兮興周道同

符應兮襲規矩休徵效兮神所表

師騁志兮元功剋封名嶽兮表銘勒班馬旅兮還京室獻戎
捷兮舉軍實偃干戈兮放旗鼓策洪伐兮薦禰祖懷皇歡兮
享嘉祐資珪瓚兮侔召武

伐蜀頌一首

東晉曹毗

三五代升冥數迭算黃德既革素靈疊粲宣皇基之天經重
煥妙化洞舒德風玄散其妙化伊何惠無不柔厥潤伊何雨
灑風流跡摸唐虞軌出殷周形委代謝心與冥遊其我皇繼
祚克明克聖離暉洞照朗然高鏡道適乎會物暢其性悠然
不期冥諧同詠其神教既融妙祥亦標儀鳳晨吟朗星登霄
蔚彼嘉禾穎連雙苗湛矣玉露灑津葩條其宰弼伊哲百寮

允明堂蔚琳琅朝列髦英人思盡規職思齊誠大化雨施洪

濶雲行其五皇家之屏唯才曰慎赫赫藩衛落落雄鎮將平氛

藹灑穢流潤漏網斯捕未宿伊振其六蠢矣嶠蜀敢竄邊外凶

忒繼軌蟻聚蜂會恃遠縱虐怙嶮自泰巖干紫霞泉吐萬瀨

其七我皇聖仁愍彼殊裔黎元何辜辛酸顛斃爰謀卿士啓茲

嘉契乃命南藩奮旗電逝其八桓桓南藩朗朗奇算介如石焉

金華秋斷杖鉞宣威率義討叛鉦鼓暨振逆節焱散其九人無

殊使軍不加戎百姓若舊茂勲立隆德之所逮無往不充遐

邇載歌震威懷風其十方邵翼宣詩人斯美今在聖朝一規一

揆往迹緬哉於今齊軌將平凶羯鳴鸞北指其十一微微小臣遇

蒙朝恩再染文筆彈管儒門表善明黜乃懷所存敢揚聖猷

垂之後昆

其

北伐頌一首

後魏高允

皇矣上天降鑒惟德眷命有伐照臨萬國禮化丕融王猷允
塞靜亂以威穆人以則北虜舊隸稟政在藩往因時故逃命
北轅代襲凶軌背忠食言招亡聚盜醜類實繁敢率犬羊圖
縱猖蹶皇乃訓師興戈北伐躍馬裹糧星馳電發撲討虔劉
肆陳斧鉞斧鉞暫陳馘翦其旅積骸填谷流血成浦元凶孤
奔假息窮野爪牙旣摧腹心亦沮周之忠厚存及行葦翼翼
聖明有兼斯美釋彼京觀垂此仁旨封尸野獲惠加生死生
死蒙惠人欣覆育理貫幽冥澤漸殊域物歸其誠神獻其福
遐邇斯懷無思不服古稱善兵歷時始捷今也用師辰不及

文館詞林卷第三百四十七
來葉
浹六軍剋龔萬邦以協義著春秋功銘玉牒載興載頌播之

文館詞林卷第四百一十四 七四

中書令太子賓客監脩國史弘文館主事柱國高陽郡開國公臣許敬宗等奉敕撰

七

後漢王粲七釋八首

魏曹植七啟八首 并序

魏傅巽七誨八首

七

七釋八首

後漢王粲

潛虛丈人違時遁俗恬淡清玄渾沌樸樸薄禮愚學無爲無欲均同死生混齊榮辱不拔毛以利物不拯溺以濡足濯身乎滄浪振衣乎嵩嶽於是文籍大夫問而歎曰於呼聖人居

上國無室士人之不訓在列之恥我其釋諸弗革乃已遂造
丈人而謁之曰蓋聞君子不以志易道不以身後時進德修
業與俗同期一物有蔽大人恥之今子深藏其身高棲其志
外無所營內無所事有目而不視有心而不思願若窮川之
魚梢若槁木之枝鄙夫惑焉請爲子言大倫敘時務宣導情
性啟授達趣雖謬雅旨殆其有助抑可陳乎丈人曰可哉
大夫曰道在養志志在實氣將定其氣莫先五味凍縹玄酎
醴白齊清肴以多品羞以珍名鮪鱮鮐魴桂蠹石鱸鼈寒鮑
熱異和殊馨紫梨黃甘夏柰冬橘枇杷都柘龍眼茶實河隈
之鮓泗濱盧鰕名工砥鐸因皮卻切纖而不茹紛若紅綵乃
有西旅遊梁御宿青粲瓜州紅麴參糅相半柔滑膏潤入口

流散龜羹螭膾晨鳧宿鵠五黃擣珍腸肺肺爛旄象莖解胎
豹襍斷霜熊之掌葺麋之臙齊以甘酸隨時代獻芬芳滋液
方丈兼案此五味之極也子其饗諸丈人曰否膏粱雖旨厚
味腊毒子之所甘於我爲戚

大夫曰名都之會土勢敞麗乃營顯宇極茲弘侈重殿崛起
疊構複施欒栴錯峙飛抑四刺結棟舒宇翼若鳥企雲枌虹
帶華栴鏤楹綺寮頽幹芙蓉披英文軒彫楯承以拘櫺雲幄
垂羽山根紫莖高門洞開闔闔四通陰陽殊制溫涼異容班
輪之徒致巧展功土畫黼繡木刻虬龍幽房廣室密牖疏窗
閭術相關閭巷錯重窈窕遷化莫識所從爾乃層臺特起隆
崇嵯峨戴甌反宇參差相加屬延閣以承栢表曲觀於四阿

徑圍囿而外折臨寒泉之激波清沼澹淡列植菱荷芳卉奇
草垂葉布柯竹木叢生珍果駢羅青蔥幽藹含實吐華孕鱗
羣躍眾鳥喧訛熙春風而廣望恣心目之所嘉此宮室之美
也子其宅諸丈人曰否水土交勝是謂殃神子之所安我則
未聞

大夫曰邯鄲才女三齊巧士名倡祕舞承間並理七槃陳於
廣庭疇人儼其齊俟坐二八於後行盛容飾而遞起揄皓袖
以振策竦并足而軒時邪睨鼓下抗音赴節清歌流響依違
繞結安翹足以徐擊馭頓身而傾折揚蛾眉而顧指儀閒暇
以超絕飄駭機發雜沓遄促投身放迹邀聲受曲便媚婉婉
紛綸連屬忽捐桴而揮袂聊徘徊以容與坐列雜其佻興遂

駢進而連武轉騰浮蹠逐激和杼足不空頓手不徒舉仆似
崩崖起若飛羽翩飄微霍亂精蕩神巴渝代起鞞鐸響振羽
旄奮麾弈弈紛紛於是白日西移轉卽開堂號鐘組瑟列平
洞房管簫繁會雜以笙簧夔牙之師呈能極方奏白雪之高
均弄幽徵與反商聲流暢以清哇時忼慨而激揚虞公含詠
陳惠清微新聲變詞慘悽增悲聽者動容梁塵爲飛此音樂
之至也子其聽諸丈人曰否淫聲惱心心放生害我之所畏
惟此爲大

大夫曰農功旣登立陰戒寒鳥獸鳩萃川濱涸乾乃致眾庶
大獵中原植旌樹表班校行曲結網連罟彌山跨谷輕車布
於平陸選騎陳於林足散蒸徒以成圍湯雲興而相屬鼓鳴

旗動雷發飈逝流鋒四射畢罕橫厲奮千丈而稍擊放鷹犬以搏噬羽毛羣駭喪魂失勢飛遇矰矢走逢遮例中創被痛金夷木斃俛仰翕響所獲無藝於是剛禽眇獸驚斥跋扈突圖負阻莫能嬰禦乃使晉馮魯卞注其最怒徒搏熊豹袒暴兕武頓犀掎象破脰裂股當足遇手摧爲四五若夫輕材高足光飛電去蹕奔逸之散跡荷良弓而長驅凌原隰以升降捷蹊徑而邀遇弦不虛控矢不徒注僵禽連積隕鳥若雨紛紛藉藉蔽野被原含血之蟲莫不畢殫罷圍陳饗旋旆迴轅從容四郊棲遲圍圍娛遊往來唯意所安此遊獵之娛也子其從諸丈人曰否是於道忌實曰心狂聞千仞訥彌失所望大夫曰麗材美色希出特生都冶聞靡竒究娥姪豐膚曼肌

弱骨纖形鬢髮玄鬢脩頂秀頸紅顏熙曜晔若若榮西施之
疇莫之與呈盛容象而致飾昭令質之豔姿戴明月之羽雀
雜華鏹之葳蕤珥照夜之雙璫煥燿燭以垂暉襲藻繡之縹
彩振纖縠之袿微紛綢繆而雜錯忽猗靡以依微於是釋服
墮容微施的黛承閒嫵御攜手同戴和心善性柔顏嫵態便
妍媚媚不可忍耐一顧迂精傾城莫悔此美色之選也子其
悅諸於是丈人心疾意忘氣怒外淩絕然作色謐爾弗應
大夫曰觀海然後知江河之淺登嶽然後見丘陵之狹君子
志乎其大小人玩乎所狎昔在神聖繼天垂業指象畫卦陳
疇敘法經緯庶典作謨來葉天人之事靡不備浹乃有應期
歆達之師開方敏學之友朋徒自遠童冠八九觀禮杞宋講

誨曲阜浴乎沂洙之上風乎舞雩之右棲遲誦詠同車攜手
論載籍敘彝倫度八索考三墳升堂入室溫故知新上不爲
悠悠苟進下不與鳥獸同羣近不逼俗遠不違親從容中和
與時屈申煥然順敘粲乎有文子曾此之弗欲而猶遂彼所
遵不以過乎於是丈人變容降色而應曰夫言有殊而感心
行有乖而悟事大夫斯誨實誘我志道若存亡請獲容思
大夫曰大人在位時邁其德先天弗違稽若古則叡哲文明
允恭立塞旁施業業勤釐萬機闡幽揚陋博采疇咨登偶又
於壟畝舉賢才於仄微賓彼周行列于邦畿九德咸事百寮
師師乃建雍宮立明堂考憲度脩舊章綴故訓之紀綜六藝
之綱下理九土上步三光制禮作樂班敘等分明恤庶獄詳

刑淑問百揆無廢五品克順形中情於俎豆宣德教於四邦
布休風以偃物馳純化而玄通於是四海之內咸變時雍仁
澤洽於心義氣蕩其匈父慈子孝長惠幼恭推畔讓路重信
貴公五辟偃措囹圄闕空普天率土比屋可封聲暨海外和
充天宇越裳重譯而來獻肅慎納貢於王府日月重光五徵
時敘嘉生繁殖祥瑞蔽野是以棲林隱谷之夫逸跡放言之
士鑒乎有道貧賤是恥踊躍泉田之間莫不載贊而興起於
是丈人蹶然動顏乃歎而稱曰美哉言乎吾聞辭不必繁以
義爲貴道苟不同聽言則醉子之前論多違德類槃遊耽色
美室侈味薰心惱耳俾我感悴旣獲改誨踰以學林師友玄
穆我固有心況乃聖人之至化大道之上功嘉言聞耳廓若

發蒙老夫雖蔽庶能斯通敬抱衣冠以及後蹤

七啟八首

并序

魏曹植

昔枚乘作七發傅毅作七激崔駰作七依張衡作七辨辭各美麗余有慕焉遂作七啟并命王粲等並作焉

玄微子隱於大荒之庭飛遁雜俗澄神定靈輕祿傲貴與物無營耽虛好靜羨此永生獨馳思乎天雲之際無物象而能傾於是鏡機子聞而將往說焉乃駕超野之駟乘追風之輿經迴漠出幽墟入乎泱泱之野遂屆玄微子之所居其居也左激水右高岑背洞谿對芳林冠皮弁被文裘出山岫之潛穴倚峻崖而嬉遊志飄飄焉嶢嶢焉似狹六合而隘九州若將飛而未逝若舉翼而中留於是鏡機子攀葛藟而登距巖

而立順風而稱曰予聞君子不遁俗以遺名智士不背時而
滅勳今子弃道藝之華遺仁義之英耗精神乎虛廓廢人事
之紀經譬猶畫形於無象造響於無聲未之思乎何所規之
不通也玄微子俯而應之曰嘻有是言乎夫太極之初渾沌
未分萬物舛錯與道俱隆蓋有形必朽有跡必窮茫茫元氣
孰知其終名穢我身位累我躬竊慕古人之所尚仰莊老之
遺風假靈龜以託喻寧掉尾于泥中

鏡機子曰夫辯言之豔能使窮澤生流枯木發榮庶感靈而
激神況近在乎人情僕將爲吾子說遊觀之至娛演聲色之
姣靡論變巧之妙藝敷道德之弘麗願聞之乎玄微子曰吾
子整身倦俗探隱拯沈不遠遐路幸見光臨將敬滌耳以聽

玉音

鏡機子曰芳菰精稗霜蓄露葵玄熊素膚肥豢膿肌蟬翼之
割剖纖析微累如疊殼離若散雪輕隨風飛刃不轉切山鷄
斥鷃珠翠之珍擥芳蓮之巢龜膾西海之飛鱗臠江東之潛
龜鴈漢南之鳴鶉揉以芳酸甘和既醇玄冥適鹹葶收調辛
紫蘭丹椒施和必節滋味既殊遺芳射越乃有春清縹酒康
狄所營應化卽變感氣而成彈徵則苦發扣宮則甘生於是
盛以翠罇酌以彫觴浮蟻鼎沸酷烈馨香可以和神可以娛
腸此肴味之妙也子能隨我而食之乎玄微子曰予甘藜藿
未暇此食

鏡機子曰步光之劍采藻繁縟飾以文犀彫以翠綠綴以駟

龍之珠錯以荆山之玉陸斷犀象未足稱雋隨波截鴻水不
漸刃九旒之晃散曜垂文華組之纓從風續紛佩則結絲懸
黎寶之妙微符采煥爛流景揚暉黼黻之服羅縠之裳金華
之鳥動趾遺光繁飾參差微鮮若霜絀佩綢繆或彫或錯薰
以幽若流芳肆布周旋馳曜雍容閒步南威爲之解顏西施
爲之巧笑此容飾之妙也子能隨我而服之乎玄微子曰予
好裘褐未暇此服也

鏡機子曰馳騁足用蕩思遊獵可以娛情僕將爲吾子駕雲
龍之飛馴飾玉輅之繁纓垂宛虹之長綏抗招搖之華旌捷
忘歸之矢彎繁弱之弓歛跡影而輕鷺逸奔驥而超遺風於
是谿填谷塞榛藪平夷緣山置罝彌野張罟下無漏跡上無

逸飛鳥集獸屯然後會圍獠徒雲布武騎霧散丹旗曜野戈
及皓旰於是曳文狐揜狡兔捎鷦鷯拂鸞鷟當軌見籍逢足
遇踐飛軒電逝獸隨輪轉翼不暇張足不及騰動觸飛鋒舉
挂輕罾搜林蕩險探薄窮阻騰山赴壑風厲飄舉機不虛發
中必掩羽於是人稠網密地逼勢脅哮鬪之獸張牙奮鬣志
在觸突猛氣不懼乃使北宮東郭之傅生抽豹尾分裂羆肩
形不抗手骨不隱捲批熊碎掌拉獸摧斑野無毛類林無羽
羣積獸如陵飛翮成雲於是駭鐘鳴鼓收旌施旆頓綱縱網
熊獠迴遁駿騄齊驤揚鑾飛沫俯倚金較仰撫翠蓋雍容暇
豫娛志方外此田獵之妙也子能隨我而觀之乎立微子曰
予性樂恬靜未暇此觀也

鏡機子曰閒宮顯敞雲屋皓旰崇景山之高基迎清風以立
館彤軒紫柱文榱華梁綺井含葩金墀玉箱溫房則冬服絺
絺清室則中夏含霜華閣緣雲飛陞凌虛頰視流星仰觀八
隅升龍攀而不逮眇天際而高居繁巧神怪變名異形班輸
無所措其斧斤離婁爲之失睛麗草交殖殊品詭類綠葉朱
榮熙天曜日素水盈沼叢木成林飛翼凌高鱗甲隱深於是
逍遙暇豫歛爾忘歸乃使任子垂釣魏氏發機芳餌沈水輕
繳弋飛落翳雲之翔鳥援九泉之靈龜然後采華蓮擢水蘋
弄珠蚌戲鮫人諷漢廣之所詠觀遊女於水濱曜神景於中
沚被輕縠之纖羅遺芳烈而靜步抗皓手而清歌歌曰望雲
際兮有好仇天路長兮往無由佩蘭蕙兮爲誰脩嫵婉絕兮

我心惆此宮觀之妙也子能從我而居之乎立微子曰予耽
巖穴未暇此居也

鏡機子曰既遊觀中原逍遙閒宮情放志蕩淫樂未終亦有
才人妙技遺時超俗揚北里之流聲紹陽阿之妙曲爾乃御
文軒臨洞庭琴瑟交徽左箴右笙鐘鼓俱震簫管齊鳴然後
妙人乃披文縠之華袿振輕綺之飄颻戴金華之熠燿揚翠
羽之雙翹振流芳曜飛文歷槃鼓煥繽紛長裾隨風悲歌入
雲趨捷若飛蹈虛遠蹠凌躍超騰蜿蟬揮霍翻爾鴻翥戢爾
鳬沒縱輕軀以迅赴影追形而不逮悲聲激塵依違厲響材
捷若神形難爲像於是爲歡未洩白日西頽散樂變飾微步
中闌玄眉弛兮鉛華落收亂髮兮拂蘭澤形情服兮揚幽若

紅顏宜笑睨眄流光時與吾子攜手同行踐飛除卽聞房華
燭爛羅幃張動朱臂發清商揚羅袂振華裳九秋之夕爲歡
未央此聲色之妙也子能隨我而遊之乎玄微子曰予願清
虛未暇此遊也

鏡機子曰予聞君子樂奮節以顯義烈士甘危軀以成仁是
以雄俊之儔交黨結倫重氣輕命感分忘身故田光伏劍於
北燕公叔畢命於西秦果毅輕斷武步國風威懼萬乘華夏
稱雄辭未及終而玄微子曰善鏡機子曰此乃遊俠之徒耳
未足稱妙也若夫田文無忌之儔乃上古之儔公子也皆飛
仁揚義騰躍道藝遊心無方抗志雲際凌轡諸侯驅馳當代
揮袂則九野生風慷慨則氣成虹蜺吾子當此之時豈能從

我而友之乎玄微子曰子亮願焉然方於大道有累如何

鏡機子曰時有聖宰翼帝霸代同量乾坤等明日月玄化參
神與靈合契惠澤播於黎苗威靈振乎無外越隆平於殷周
踵羲皇而齊泰顯朝惟清皇道遐均人望如草我澤如春河
濱無滌耳之士嶠嶽無巢居之人是以俊乂來仕觀國之光
舉不遺才進各異方贊典禮於辟雍講文德於明堂正流俗
之華說綜孔氏之舊章散樂移風國靜人康神應休臻屢獲
嘉祥故甘露紛而晨降景星宵而舒光觀遊龍於神泉聆鳴
鳳於朝陽此霸道之恢隆而雍熙之盛際然主上猶以洪恩
之未廣懼聲教之不厲采英奇於仄陋宣皇明於巖穴此甯
子商歌之秋而呂望所以投綸而逝也吾子爲太和之人不

欲仕陶唐之代乎於是玄微子攘袂而興曰韓哉言乎近者
吾子所述華淫欲以厲我祇攬予心至聞天下穆清明君蒞
國鑒盈虛之正義知素心之迷惑令我廓然身輕若飛願反
初服從子而歸

七誨八首

魏傅巽

其母先生體壯志烈貴義尙功晞慕明哲忿愠末俗口口口
口朱紫雜形是非散亂雅鄭糅聲乃捐緒業棄縉紳慕彭聃
思真人願松喬晞列仙藏身巖穴託體名山絕聖釋智舍和
養生同欲嬰兒致思玄冥方有在溺惜足濡而弗拯也或困
塗炭寶一毛而不營也安有公子者先生之舊也聞而瞿然
曰夫智可以學益而性不可遷彼將有激億可誨焉於是以登

險阻歷高喬披蓬萊濟崎嶇乃覩先生魁然獨居陶埤陋穴
靡室靡廬芒乎若有望而未覩惆乎若有思而未周愴畱留
俗不順厭初公子曰夫有生之至靈莫過乎人倫必將運智
役物立德行仁智運則不勞役物則鮮勤德立者寵榮仁行
者顯尊然後頤志自娛逞意當年究耳目之所好玩人情之
所珍今先生志激則易度恩感則變身潛心以徼難望之福
銳精以求難見之神舍榮名於當己激幽味乎無垠瑱大絲
之常路苟異術乎斯遵吾將誨子以至言子其省乎先生曰
諾哉

公子曰禮崇館次以施盛德將營顯宇名都樂國平州廣陸
敞麗弘脩顧倚陵阿前據清流乃命良匠直準繩鉤墉基審

面勢度良材定昏中以正向則陰陽以順時爾乃羣工致巧
侈飾無形重屋增構欂櫨相經華井流其藻蘭房披其英紅
采煥爛敷耀舒榮玄軒文檻彫口朱楹脩閣紆曼飛路縣延
金窗列而門置綺曰錯以結連洞房廣啟內顧後庭離館別
寢每各異形奇制卓詭莫識所呈遊心窮覽恣意所寧崇觀
極望彌邈無疆俯察氛霓仰凌旻蒼乃有珍圃靈園平陸清
沼林藪繁富所有無方於是昵友親賓相與嬉娛志合情歡
攜手同車游北渚鑑清流祛黼裳登舫舟攘素袂攀玄芝翳
雲蓋載武旗鸞華弓繳雙鳧投脩竿釣潛魚弧張必獲餌下
不徒磻不隻加綸不特鉤飛禽殄殪鱗族無餘窮遊極覽厥
樂只且此天下之異觀也子其處乎先生曰不能也

公子曰嘉膳良羞太牢常珍白醴九成玄酎清醇浮數豎幾
苞苦含辛孟冬香稭上秋膏梁彫胡菰子丹具東廡柔潤細
滑流澤芬芳肥豢正肩白膚盈尺豹胎熊蹯肌懦節沐雙雞
合烝羔膋豚胎飛鵠伏鶉或魚或炙秋蠅雙服合成五黃參
案方丈不可勝嘗乃有河漢鮮魴鴻波巨鯉庖人執俎吳刀
應齒割切纖麗分皮截理爾乃遐方殊果兼有備物蒲陶宛
柰齊楊燕栗恆陽黃梨巫山朱橘南中茶子西極石密東海
玄鰕隴都白榛殊國萬里共成一珍膳羞之品惟斯爲庶有
國人主然後向御此皆上載所同莫之能異乃有瓊味殊和
時所希識體非三牲不常厥事伊摯典庖吳章爲司合享龍
醢齊適眾調食之甘旨不可比喻疾人輕體萬乘解怒此天

下之至味也子其饗乎先生曰不能

公子曰玄冬仲月冰寒慘烈草木零落恒陰彫殺鷺鳥跼蹐
猛獸思噬農功旣畢戒戎簡旅乃應玄氣薄狩于野整部曲
齊行伍揚素輝勒金鼓武士雲布屯騎星峙眾鳥驚翔羣獸
否騖於是罝罟廣設被野彌山揮摧漫衍川動天旋促圍合
陣戈矢橫厲蒼鵠揮翼玄獮奮逝控弦兼中投鈹耦殪追飄
執迅噬猛攫戾飛走惴懼亡精失氣舉翅遇網搖足蹈綫流
血漂鹵草飛□□毛掩雲霓乃有剛禽怪獸逸材駭鷺決圍
犯罟不可羈制乃使卞莊鄭叔肆其武勢斲狂兕縱奔猘格
羆貔嬰猛號提象挈豹徒搏袒殺橦心擣膂應權而斃及其
剽疾齊敏莫能比類捷過慶忌輕迅樓季仰搏逸隼下蹴驚

晷日不移晷樂不極娛良馬樽衡士怒未舒俯仰倏忽野空
山虛於是陳獵車校獲實數眾寡均勞逸犒疲饗勒搜功既
畢此天下之壯觀也子其覽乎先生曰不能

公子曰樂酒今夕嘉賓惟燕獻酬既交酒未及亂華鐙熾曜
黼帳周褰乃進名倡材人殊觀振纖羅以徐步整長袂以自
飾七

文館詞林卷第四百五十二

碑卅二 百官廿二

中書令李寶嘉修國史弘範學士桂國陽郡開公臣許敬宗等奉 敕撰

將軍二

北齊魏收征南將軍和安碑銘一首

并序

隨薛道衡後周大將軍楊紹碑銘一首

并序

大將軍趙芬碑銘一首

并序

薛收驃騎將軍王懷文碑銘一首

并序

將軍二

征南將軍和安碑銘一首

并序

北齊魏收

聞夫枕立穹之維綴黃陸之紐鳴天鼓而號眾舉地絡以籠
物蕩滌權輿疆理草昧英賢居腹心之忉雄毅當爪牙之重

近則桑梓魁傑瓜葛豪俊蕭曹樊夏佩璽而效節吳鄧來祭
荷策以徇名遠有張陳酈灌馬寶寇耿雲歸風往葉從枝附
經綸萬方折衝九服往者晉迨永嘉中原瓦散分崩七紀膠
加五胡於是魏乘其弊奄括區宇洮汰神州羅絡荒極中謀
外禦比肩受事燕許崔張決其策孫干奚庚制其兵於時尙
書令定陵公和公經武緯文鸞翥鸚跼軒輊由其先後輕重
隨其去就沃心注意朝野宗之方極公輔之尊歸以將相之
首朝廷政事咸所諮決調高遂以驚眾震主於是身危旣而
綿地長封良金旦鑄表靈異於名山鬱光明於祠典卽公之
高祖父也公諱安字某流源其立濤比深層搆與白山俱傑
雄颺代方聲架河右水運統紀家實疏附帝邑屢徙我不常

居今爲清都臨漳人也曾祖父鎮都大將祖燕州刺史俱蘊
深沉之氣咸負磊落之節正途先踐直轡不迴位不充量志
行迹屈乘此心也矯然千載考觚楞崇竦異趣流俗遺時離
眾室邇人遐顧有親同五賢位先九牧祇待如神辟書先降
終使重席佩几罕見伊人懸榻奪版竟無此客公感降星精
禎標月晷家門神算之徵舅宅貴甥之相言笑之始神情絕
人翦剝之初風望駭俗粗教方日略撻章句萬言朝誦五行
併覽日析堅白似弗能談心定朱紫莫知其察履繩踐墨率
禮弘教行彈孝敬事窮仁厚物仰庭訓時無閒言持刻鼎之
緒居執珪之冑惟祿惟功公卿有業立言立德師佐攸俟猶
夫靈崑種玉永漢藏金用超海內之寶動擅天下之價魏孝

明時起家奉朝請荆楊逋醜內異譙梁公爲別將平南府長
史受命卽戎忘身致槩爾時散地征旅潛亡公仁以爲任信
而開物逃竄歸命多全要領退除襄威將軍員外散騎侍郎
魏北海王元顥鳥集江陰進熟道僞假錯面之穢資文身之
醜窮寇深入鑾輿外巡公陪從艱難亟陳方略天柱大將軍
尒朱榮入衛行宮咸見嘉賞授明威將軍給事中領榮府法
曹參軍接武白雲之士驤首素朝之會鞭版之閒抑揚風彩
及天網四張宸居載肅轉通直散騎侍郎寧朔將軍北道大
行臺郎中加寧遠之號而二相驕矜一德致爽甚芒刺之猜
伏尙方之劒枝榦爲梗禍猶崩坼仍推疎屬入據寶圖授中
書舍人尋除通直散騎常侍冠軍將軍兼給事黃門侍郎仍

領舍人天人未允符璽改授復以常侍領舍人於時迴天轉
日不止三公諂子工言翕肩側目公持之有度一毛不動履
正居和泯然無際轉司徒掾常侍將軍如故論從北巡之賞
時宰介朱隆以公會失其旨侯遂不及我不屑已橫議更以
爲高授太中大夫平東將軍轉河南太守鼎遷舊鄴伊洛蕭
條關寇東窺荆蠻北視公招懷初附慰恤遺黎鎮以寬重莅
以廉正西過南撫威惠俱洽風化所被歌謠迄今威宗景烈
皇帝四端斯啟五彩行集歷試作範朝府崇開以公鑒遠韻
高引爲司馬俄以敷奏寄重復授中書舍人兼嘗食典御中
軍將軍魏孝靜言次訪公斗柄所指對以聞隨四時所未曾
識其篤慎也如此而嗟敬也逾深復除黃門鎮南將軍舍人

如故出行梁州事高明旁鑒哀矜下臨窮爲政之上策盡牧
人之大體當時秦中醜類侵據潁川三軍出討千金日費號
令如霜徵發猶兩公心計屈指顧盼已得人吏驚悚咸曰神
明轉使持節都督義州諸軍事本將軍義州刺史陵輔榛曠
嶠嶂阻澀慕義攜負抑曰新秦公綏以清靜化以簡易高枕
閉閤無欲無爲庭有入羅之雀邑無妄吠之犬圖畫相傳俎
豆不絕徵拜散騎常侍征南將軍掌知東宮事地曰少陽重
光監國崇賢冠帶博望巾裾莫非高名上才霞舉仙步非直
左右前後咸求正人公時表國華舉朝瞻想參政儲后風猷
惟穆宜其翼亮二宮遂階三事邈五君而光輔冠一代之偉
人而陽鳥入巢陰堂夢譚奄嗟代序之促遽深傳市之慟以

天保六年十月薨於位春秋若干追贈本將軍幽州刺史太
常考終定謚曰質禮也惟公天璞不雕全德斯在應物隨方
攸往必適至若先意承志終始加人永懷風泉之感長結茵
鼎之慕逮於任事以官進德而祿處順持方可久可大發跡
暮歸移朝變市劬勞出內經關險夷履楊公之潔方夜逾襄
執葛相之平如稱弗動任真居坦得喪忘懷弗懼武光無驚
雷電濟陰魏諷交傾時右肅令袁毅貨滿朝賢凡此族也曾
無蒂介使當展執釣心敬而小朝倫國望希風竦日紡毛帶
草之客捧手如舊乘軒結駟之子雅語猶新忻敬可加貞固
不奪清裁方格人間推重邁種積祉英異咸歸斐踰九竒子
過百練終以四昭八達言推事舉數贊邦典會通政術丹青

王化羽翼天朝冠冕縉紳彌綸棟幹皇上深嘉股肱且懷舊德表閭軾墓義有存焉復贈使持節都督冀瀛滄三州諸軍事驃騎大將軍冀州刺史尚書左僕射司空公以天統四年月日改卜於此處故吏某官姓名等僉謂寫音調律爰自於神工感事形聲當存於識契道繫於人人亡維絕名憑於迹迹有可圖伐石懸鏡之山傳響鳴鵠之地其詞曰

恒山北臨河流東折夏海澎湃寒門竊絕地蘊精靈人表英烈高胄洪緒標其疎傑輦車而往兼資獨擅智踰萬牒勇超百戰翼子氣矜貽孫風扇槩遠無屈節高非賤奔載夙聞聿脩潛兆池龍行躋鳳毛當矯變化稱神昇降爲寶克仁克義能大能久言愬百行來謀十官價重良玉名馥幽蘭在國多

否爲臣獨難方草能勁比木凌寒府誅朝易後命邁至趨奏
青蒲對揚丹地分符外踐擁旄出莅立事立功殊途一致君
子兼濟英猷允塞推道崇儒存韓尙墨曲藝罕顧異端靡惑
由我被人白家形國體正居雅成務龍樓下資教義上屬謀
猷在川方楫於生若浮王門筮水張氏懷鉤珠林重顥碧壘
隆搆凌雲迴擺冠山標秀國慕椒蘭朝宗領袖宸鑒攸揆禮
斯崇舊旌賢申命文物增輝山原超忽冠蓋霑衣空門不朽
孰與同歸悠悠大化人間復非

後周大將軍楊紹碑銘一首

并序

隨辭道衡

若夫天地之大德聖人之大寶其惟生位乎生有終而位有
極道恒存而名不朽故雲臺麟閣所以圖其形工歌史頌所

以播其聲公諱紹字某弘農華陰人也靈源發於姬水丕緒
分於晉國西京丞相乘朱輪者十人東漢公輔服袞衣者四
葉本枝日盛景福潛流逮我皇隨鬱爲天族祖國鎮西將軍
父定新興太守或擁旄杖節式遏寇戎或剖竹要銀撫導毗
俗文猷武略煥乎縑簡而洪河帶地砥柱發其英靈太華干
天高掌騰其秀氣誕茲魁士是稱閒出月角山庭幼彰奇表
遠情正骨本異常人連城三五未足比其內潤照車十二不
能方其外朗鳥策魚圖莫不覽閱珠韜金匱徧所留心既有
拔俗逸群之姿常懷激水搏風之志天柱大原王肇開霸道
廣招俊傑深揖高名引居麾下于時魏綱落紐羣凶競逐葛
榮地食鯨吞拔燕滅趙類蚩尤之徵風召雨若共工之絕地

傾天太原王親勒熊貔直指漳滏公提戈橫厲躍馬先登凶
眾瓦解預有其力授監軍都督旣而秦隴妖寇鴟張崛起始
則狐鳴惑人終乃獸飛噬物賀拔岳一時雄武出制天泉公
別統支軍任當羣帥算無遺策戰必先鳴旣展破竹之功允
膺析珪之典封饒陽縣開國伯邑三百戶尋授征西將軍金
紫光祿大夫轉衛將軍右光祿大夫侯莫陳悅內懷姦伏潛
運凶謀變起轅門害加上將周太祖背經委質情深發憤越
自藩部星馳赴難建旗誓眾志殄仇讎公亦叶贊英圖同茲
義舉凶魁剿戮誠效兼宣授大都督鼓節尋封荊州冠軍縣
開國公邑五百戶加通直散騎常侍進車騎將軍左光祿大
夫齊神武遷鼎河朔包括山東傾韓魏齊楚之兵引漁陽上

谷之騎千里不絕百萬爲羣濟自臨晉長驅馮翊周文潛師
沙苑以寬對眾公猛氣從橫奇謀開發或縈左拂右或撫背
衝心鄰敵大崩隻輪莫反策功飲至誠力居多授儀同三司
蕭繹據有清宮纘梁僞位耽左江右湖之樂悅朝雲暮雨之
神貢職不脩政刑日紊燕文公受柯執律弔人伐罪公分勒
戎麾共爲犄角蜚弧競上梁欐爭前楚君所以銜璧郢都於
是底定拜開府儀同三司封儻城郡公邑三千戶天和元年
進位大將軍歷任燕敷幽三州刺史憑風雲而舉八翅垂雨
露而撫千圻服冕彰其寵榮洗憤表其清慎而麥正祝齊侯
之壽終自妄言句芒錫秦伯之年徒虛語耳春秋七十有五
以周建德元年薨於幽州贈成文扶鄧洮五州諸軍事成州

刺史越某年月厝於某所易名考行謚曰信公禮也惟公志
度寥廓風儀雋偉運屬連橫之辰生逢用武之日控權奇之
馬精貫鉤鈴帶豪曹之劍氣侵牛斗折衝禦侮除暴靜亂奇
正比於孫吳功業同於衛霍輕財貴義好賢下士指囷內之
米曾不介懷散廡下之金聊無吝意呼船不棄彈鋏更電故
能氣蓋三輔聲振一時鍾慶有徵克光後葉第二子司空公
廣平王雄藩屏皇家鹽梅鼎餽仰惟過庭之訓永結陟岵之
哀故府佐姓名等以爲陳太丘一介邑宰尙有改名之碣郭
有道儒生者耳猶興無愧之詞況乎盛業鴻勳瑰才偉器而
可翠石徒寢丹筆空栖乃勒此豐碑樹之來裔垂芳猷與懿
範共穹壤而俱弊其詞曰

嶽靈集社台宿垂光高門右地蟬聯克昌緇衣朱紱玉鉉金
章曰祖曰禰令問令望爰降菁華挺茲瑰傑志識開爽心神
昭徹幼標壯氣早著奇節好覽兵韜能明軍決河朔挺禍凶
寇橫行宸居旰食勦后專征奮茲虓勇摧彼妖鯨武安瓦落
神巖石鳴二雄交爭三方未一陣雲不解兵星屢出策預周
謨功宣戎律圖庸命賞加榮進秩彤戈棨戟獸節龍旂六轡
耳耳四驥駢駢出喧朱鷺入傲黃扉班條按部布德申威人
類鵠鸞壽非龜鶴孔壺漏盡□高標景落葆吹龍吟淵恍魚
躍鑄金模範爲山葬霍前基已峻後胤彌隆作藩論道旣王
且公踐霜滯露追遠愼終敬刊琬琰播美無窮

大將軍趙芬碑銘一首

并序

隨辭道衡

若夫搏扶搖而上九萬者必有垂天之羽翼苞崑嶼而納百川者必有出日之波瀾斯乃大器所以懷遠圖宏才所以膺重任故有出地出洛之佐爲梅爲礪之臣弼諧帝道緝熙庶績亦何代無人哉淮安定公繼之矣公諱芬字士茂天水上邽人也自瑤池御驟鈞天射熊歷王澤而逢神登常山而得寶縣積載祀英靈不絕十一葉祖融所謂荀令君趙盪寇足爲蓋時乎卽其人也高祖逸壯思高才雲飛颯豎已挂人搖史筆不復架屋施牀曾祖琰祖賓育或頻贊藩維屢腰銷艾立言展事沒而不朽父脩演分符賜札樹德於名邦朱鷺丹帷褒終於蒿里而獸雲起皋繇出龍宿感周勃生公資靈特挺氣稟純粹殊武仲之木性偏實異文舉之金精太多孝窮

行本仁爲已任崇讓去伐絕矜尚之心豁情順理無喜愠之色先聖微言味之而不倦雕蟲小道能之而不爲物望坐高聲譽藉甚周太祖肇開相府盛選僚佐引爲記室轉外兵選內書舍人尚書兵部郎職乃應星人同披霧豈直張燈流稱固亦覆被見知周受禪除冬官府司邑大夫又爲陝州總管府長史天府地軸二國並興伊洛峭函百樓相對金星大宿芒角恒動牙璋羽檄晝夜交馳公參贊戎機運籌幕府三川之地呼吸而并吞九國之師逡巡而不進加儀同三司仍長史徵入朝歷御伯納言進位開府儀同三司稍遷內外府掾吏部內史御正三大夫天官府司會春官府司宗領夏官府司馬封淮安縣開國子前後任熊析二州刺史公志識高瞻

幹翮優長徧歷羣司咸居要重文墨堆几主者環階照理若
鏡明剖滯如劒割及擁旌杖節按部班條家承禮教化致清
靜東夏平授相州天官府司會進爵爲侯大象元年置六府
於洛陽除少宗伯攝夏官府事二年拜上開府進爵爲公大
隨飛名帝錄允叶天序火木異行烏龍殊號□開皇元年拜
大將軍東京尙書左僕射封淮安郡開國公東京罷授京省
尙書右僕射三年兼內史令僕射如故自金運窮圯華夏陸
沈聖人之軌則罕存先王之風格咸盡皇上撥亂反正康俗
振人標明政典興復禮教公內掌綸紉外司端揆若四嶽之
遵行堯道猶八元之輔成舜德方驗大水憑舟良臣見任巨
魚縱壑聖主得賢某年除蒲州刺史加金紫光祿大夫以公

平時耆邁故優以外任也莅事四周風化大洽屢辭以疾解
職還京九年抗表乞骸骨聽以大將軍淮安公歸第仍降詔
書兼賜几杖衣服被褥板輿等皇太子遣使致書賚巾帔等
七種春秋七十有七以十四年薨於京師之太平里王人弔
祭謚曰定公禮也粵十五年厝於小陵原惟公靈府內融虐
舟立邇有禮有法可大可久從政立朝五十餘載垂纓拖玉
卅餘官文馬華軒不改素士之操當軸據要彌懷恬淡之心
方正確然風塵不染清白自守脂膏莫潤故能名行兩全始
終俱美扶陽濟濟豈得獨稱韋相東都謁謁自可繼軌疏公
而隨武可作餘風未泯公業不亡析薪有寄佐官姓名等仰
惟盛範畢志不追雖良史德迹藏於東觀尚書故事留在南

宮而風煙已合莫辨成樓之氣松栢且摧誰知夏屋之所乃
勒此高碑樹之幽隧同扶風之下馬若襄陽之墮淚其詞曰
長源遠胄出翳分秦文祠二客襄祭三神緜紀歷代鍾慶累
仁不常厥十所在稱珍潘美家風陸陳祖德粵惟盛緒播此
澤則代襲衣纓門傳儒器用仁成里以信爲國惟公降誕早
標風槩雅量遠情動無近對研尋百氏下上千載立行寬尤
出言可佩繁敷縟禮報德酬庸頻移人爵屢荷天寵黃扉置
府赤社分封堂高陞峻實著賓從鼎命歸火謳歌去木五運
載新三靈改卜蕩滌區宇澄清塹隳任忉股肱誠深啟沃漢
委四奇魏憑五俊居今望古綽有遊刃應物英明持身淑慎
名教斯在風猷坐鎮麥丘祝壽句芒賜年三達已具五福無

愆高情知止大璞能全蘭陵金散沛邑車懸千月易往一生
俄度白日滕城黃腸霍墓石麟詎起金雞豈呼銘讚恆存聲
塵永布

驃騎將軍王懷文碑銘一首

并序

薛收

蓋聞惟生爲貴輕之者類於鴻毛非義不居取之者同於熊
掌當仁處命不其難乎故倣儻不羈之才英奇傑立之士遑
遑重志業落落建功名心貫金石之中氣逸煙霞之上雖則
山淪海覆霧卷塵飛儼節捐軀蹈之由已斯爲美矣豈徒然
哉若乃寥廓千齡抑揚萬代獨顯非常之效以終國士之恩
高烈振於遐年義聲聞於當代則驃騎王君見之矣君諱懷
文字思忠太原祁人其先姬氏周室之胤水府山宗之秀載

挺瓌奇瓊林桂苑之華夙承休祉騰芳上葉流慶後昆故能
異人鬱起雄圖開出祖魏常山郡主簿博野丞寓量沈深養
名蓄德父膺齊儀同臨朔鎮將風格凝峻居仁蹈禮並藏器
於身蘊材傲俗君騰精玉守稟性金方少負不資之質長嬰
跡施之累跼步通衢戢翼中野矯迹嘉遁佇通觀時暨炎歷
將終皇猷爽德生靈版蕩翦爲寇亂九縣區分四郊多壘君
攘袂激憤抽戈枕節旣濯鱗羽思遇風雲是時四柱方傾共
工之難尙梗五星不聚漢祖之業未隆空懷耿介之心猶阻
奔蹏之路劉武周滔天猾夏荐食晉陽宋金剛剽邑屠城挺
惡汾浦乃以君爲僞上柱國行軍總管非其好也君久悟焚
巢恒思擇木終觀投石未安累卵行危苟免言遜俟機

太尉秦王建旆東轅元戎北指出九天之外引百勝之師星
驅雷駭剋平大勲旣乃烏合爲羣俱同鍛翮獸聚之內咸遇
翦毛而一面開羅三驅致禮捨鉤焚櫬特降優隆光被寵榮
式加殊命乃授驃騎將軍則大唐武德三年也王充負疊青
正流氛紫極屬南巢放桀之始西伯事殷之初窺觐非冀妄
干大寶 聖上愍茲黎首情軫納隍救彼淪胥思同濡足吾
王奉遵廟算受脤阻征蘊金匱玉鈐之謨運沙城石陣之略
鑿門畫閭指定舊都君乃陪預戎麾俱參列將自屯師洛汭
結壘邙山醜類逋誅屢犯旌旆君鷹鶚揚視展效獻功未極
千里之塗翻垂六鳥之翅鍾儀去楚不捨南冠華元入鄭未
通文馬王充置之左右情加推信仍授僞官兼優封爵君乃

詭圖背誕密運忠規潛圖去暴庶恢茂績方欲梟除元惡贊
我大猷越以四年二月王充悉其步騎出至城西吾王憑軾
觀兵與其相遇旗鼓雖布鋒鏑未交君乃獨斷神謀先騰壯
烈抽戈電擊挺劍風趨決機兩陣之閒申威萬人之土一發
則貫其左股再申而折其右肱凶魁僵仆應時顛趾奔鯨赴
穴桀犬如林以無因之迹駭不存之地莫不眩目驚視廢手
頓足雄夫爲之亡曹猛士於焉累氣流光奪景浮雲變色喋
血數步之中躍刃重圍之下以寡制衆援阻路窮交鉞莫禦
結纓終讎於是聲嘉 玉冕悼威瓊枝四國嗟傷三軍悽愴
司儀奉命致禮輜輶贈賻所加特超恒典功書天府受降王
人 詔贈某官諡曰某公禮也君質茂松筠心標鐵石慷慨

有丈夫之操磊落懷烈士之風運偶物艱時鍾德喪閭節高
度不以細行自拘爽氣通才方持雄略爲重屬兵車九合齊
楚之地未寧天下三分商周之道初革君乃屈迹抑憤與俗
沈浮違亂去惡歸身大造旣荷生育之賜方酬山岳之恩契
關無虧造次斯在發忠顯效殉主捐軀登太行以未危怙焦
原而不懼故能枕逋藪之敵怨致天誅於巨猾雖則荆卿奏
曲空進燕圖豫讓吞聲唯驚趙駟翳桑之倒戟懷惠輔氏之
結草酬恩比事論功固不同年而語矣吾王重義敦本情深
嘉尙永言遺節有邁前修以爲紀績詮名彝章之盛範鏤鍾
鐫鼎邦家之弘訓乃命勒茲立石式建豐碑樹美無窮垂芳
不朽方見雲飛幽隴飄飄與生氣俱浮吹動孤松肅肅與餘

風其遠其詞曰

於穆顯宗肇分姬姓休緒烏奕靈源鼎盛鵠舞周儲鳬飛葉
令流福膺響傳芳遶夔木禿喬林波騰巨擘英奇奕載桀人
閒作是曰趨材茲稱勇略稟質倂儻遊心寥廓珠蘂掩曜玉
弩騰暉霧擁玄闕虹貫紫微一人喪道兆庶無依逝莫以騁
翔而未飛皇運膺期帝圖惟始野有龍戰人同蜎起望阻
昌期迹淪千紀處異信國居非仁里姦魁放命肆逆汾陽推
轂台鉉授律文昌威宣取亂績著悔亡氛祲旣滅遺黎以康
雷作旣解風行斯渙承茲滌澤去彼危亂躍鱗清波厲羽霄
漢乃優寵秩方隆榮觀龜萌縱憑狼戾爲羣嵩卽地阻伊洛
川分五策命將六郡興軍言從戎政冀展鴻勳桓桓征夫蠡

蠹窮寇舉斧未殄吞舟猶漏墮伏無虞前茅爽候翻逢絳木
乃同夾脰遘邦靡貳苦節思負志除封豕庶翦長鯨神機奮
發奇略允成惟義是蹈茲軀以輕烈氣外揚雄規內墨拔棘
超距橫矛再事渠魁既接孽黨咸暨劒及王僚縱加吳濞人
稱韓相地曰樓蘭捐生怨府建效鋒端論功彼易語迹今難
致命所欲垂名不刊森森壯節凜凜風度易水方寒卽山不
暮月照泉戶煙浮松路唯餘俠骨傳芳竹素

校書殿寫弘仁十四年歲

次癸卯二月爲洽然院書

文館詞林卷第四百五十二